



## GEDIGTE / POEMS

*Dave Lubbe*

woestyngrafsteen	173
indoenerarusplek	174
uurglasoffers	174

*Carola Schlettwein*

To be	175
Original sin	176
To life	176

*Bernard Odendaal*

Mnemorotika	177
1. Haar kamer, laat jare sestig	177
2. Piekniek, miskien 1971	178
3. Herinnering	178
4. Saligsprekinge	179
5. Onthou	180

*Hannes de Beer*

woestynwaak	181
nuwe suid-afrika	182
hartland	183
outydse maat	184

*Joan Hambidge*

1. Eerste nag	185
2. Bronx blues	186
3. Three is a crowd	187
4. Somewhere over the rainbow	188
5. Om op jou jags te maak	188
6. I left my heart in San Francisco	189
7. The girl from Ipanema	190

*Robin Gallaher Branch*

Man against the wind	191
The importance of climbing trees for a four year old	192

## Rubriek vir skeppende werk

Litera is 'n rubriek vir die publikasie van skeppende werk in al die tale wat gewoonlik in *Literator* gebruik word. Die Redaksie wil daarvan 'n geïntegreerde beeld skep van die verskeidenheid nuwe skryfwerk wat Suid-Afrikaanse skrywers kan bied.

Die Redaksie kan met vreugde aankondig dat 'n kontantprys toegeken gaan word aan die beste bydraes in die loop van 'n jaar. Een prys sal toegeken word vir die beste bydrae deur 'n debutant en 'n tweede vir die beste bydrae deur 'n meer gevinstige skrywer.

Skrywers word daarom uitgenooi om korter skeppende werk voor te lê vir plasing in hierdie rubriek. Dit kan gedigte of kortverhale wees, maar drama- of romanfragmente en eksperimentele tekste is ook welkom. Bydraes word deur die redaksie gekeur, maar geen korrespondensie kan daaroor gevoer word nie. Vier kopieë van elke bydrae, in dubbelspasiëring getik, moet voorgelê word. Die naam en adres van die insender moet regs bo-aan die eerste blad van gekramde tekste en op elke los vel vermeld word. **Verstrek ook 'n telefoonnummer, faksnommer en e-posadres waar u bereik kan word.**

Stuur alle bydraes aan die Hoofredakteur, *Literator* (629), Bureau vir Wetenskaplike Tydskrifte, Privaatsak X6001, Potchefstroom 2520.

## Section for creative writing

Litera is a section for the publication of creative writing in all the languages that *Literator* usually caters for. Through this section the Editorial Board want to present an integrated image of the diversity of new writing by South Africans.

The Editorial Board is pleased to announce that a cash prize will be awarded for the best contributions for a specific year. One prize will be awarded for the best debut contribution and one for the best contribution by a more established author.

Writers are therefore invited to submit shorter creative work for publication in this section. Poems and short stories are welcome, but also play and novel fragments and experimental texts. Contributions are refereed by the Editorial Board, but we cannot enter into correspondence about the work submitted. Four copies of each contribution, typed in double spacing, should be submitted. The name and address of the author should appear at the top right of the first page of stapled text and on every loose sheet sent in. **Please include a telephone number, a fax number and an e-mail address where you can be contacted.**

Send all contributions to the Editor-in-Chief, *Literator* (629), Bureau for Scholarly Journals, Private Bag X6001, Potchefstroom 2520.

## Reglement: Litera-pryse vir kreatiewe skryfkuns

1. Die Redaksie van *Literator* ken jaarliks, uit geld bewillig deur die Nasionale Kunsteraad, twee pryse toe vir die beste bydraes vir 'n kalenderjaar in die rubriek "Litera".
2. Hierdie pryse sal bekendstaan as die Litera-pryse vir kreatiewe skryfkuns.
3. Die waarde van die pryse hang af van die grootte van die toekenning deur die Nasionale Kunsteraad.
4. Twee pryse word toegeken, een vir skrywers wat reeds 'n bundel in die betrokke genre gepubliseer het, en een vir skrywers wat nog nie 'n bundel gepubliseer het nie (d.w.s. wat as debutante beskou word).
5. Die Redaksie bepaal aan wie die pryse toegeken word, en die Redaksie kan buitebeoordelaars gebruik om met die beoordeling behulpsaam te wees. Die beslissings van die Redaksie is finaal en geen korrespondensie sal daaroor gevoer word nie.
6. Die Redaksie behou hom die reg voor om vir 'n spesifieke jaar of vir 'n spesifieke kategorie nie 'n prys toe te ken nie of om 'n prys onder verskillende skrywers te verdeel.
7. Die name van die skrywers aan wie die pryse toegeken is, sal bekendgemaak word in die eerste uitgawe van *Literator* van die daaropvolgende kalenderjaar.

## Rules: Litera Prizes for Creative Writing

1. The Editorial Board of *Literator* yearly awards two prizes for the best contributions for a calendar year in the section "Litera" from money granted by the National Arts Council.
2. These prizes will be known as the Litera Prizes for Creative Writing.
3. The size of the prizes will depend on the grant received from the National Arts Council.
4. Two prizes will be awarded, one for writers who have already published a collection in the genre concerned, and one for writers who have not yet published a collection (that is, who are regarded as making their début).
5. The Editorial Board determines to whom the prizes will be awarded, and it may appoint external judges to help with the evaluation of contributions. The decisions of the Editorial Board are final and no correspondence on this matter will be entered into.
6. The Editorial Board reserves the right to make no award for a particular year or in a particular category or to divide a prize among different authors.
7. The names of the authors to whom the awards have been made, will be published in the first issue of *Literator* of the subsequent calendar year.



## **woestyngrafsteen**

die namakwalandduifies  
drink nog water  
by die veeposkrip  
wat jy gemessel het  
die gemsbokke  
het baie geword  
jou binddraadstroppe  
hou nog die gebarste houtsparre regop  
die gompoue  
broei nog in die kalkveld  
die versamelvoëlneste  
skeur nog soms kameeldoringtakke  
die rooiduine  
skuif nog  
op die maat van die kalahariwinde  
diep onder sand en klipbanke  
lê jou handewerk in die put  
die windpomp  
stoot nog moesaam die water  
tot by die hoekkamp se suiping  
die huis en buiteoond  
se fondamentgeraamtes  
lê half toegegewai  
die springbokramme  
pronk nog sekelrug in die voorsomer  
die tweewielspoort wat  
jy gebaan het  
lê nog deur die duinstraat  
die klippe wat jy van ver  
moes aanry  
lê nog soos legkaartstukke in die kraalmuur  
jou pelsvrug  
hang vergetestil in europa  
jou naam op die sandsteenklip  
het onleesbaar of geword  
vir hulle wat nou en dan  
meel en sout bring  
en die skape kom tel  
is jy net muppim en huppim

**dave lubbe**

## **indoenarusplek**

hier waar jy slaap

'n maer koei wei  
'n kolgans langs  
die mufvuil vlei  
agter die rook  
'n bleekgeel son  
net sink tot op  
die horison  
'n bont bok vreet  
'n stuk plastiek  
'n virus maak  
jou kinders siek

**dave lubbe**

## **uurglasoffers**

proefbuisformules  
verseël in lood  
laat  
chirurgiese mikrokapsules  
uit die blou neerreën  
manhattanjuppies  
beleef vlaktes  
bleek seuns  
grou kingcrosstunnels  
word tommy ray franks  
of die veljaskind se  
groot offer  
aangeneem

## To be

I no longer want to be  
who I am,  
because it is not me.

I don't want to be  
the woman caught  
in the mirror.

I don't want to be  
the mind  
caught in itself.

I don't want to be  
the broken-hearted girl,  
who still weeps.

I don't want to be  
the body claimed  
without consent.

I don't want to be  
the hopeless child  
who cannot breathe.

I no longer want to be  
who I am,  
because it is not me.

There is a woman,  
who wants to live,  
to be. That is me.

***Carola Schlettwein***

## **Original sin**

You are not the Devil  
yet you are the snake  
who once spit the poison  
blackening my womb.  
And in the river of blood  
issuing forth from my body  
I mourn my loss.

You are not the Devil  
yet I can never forget  
your original sin.  
I never tempted you  
and still you plucked the fruit  
never meant for you.

***Carola Schlettwein***

## **To life**

My heart is lead,  
soft and heavy  
it pulls me down  
into the darkening pool of life.

I cannot shed the skin  
that confines my soul,  
so I remain condemned  
in my fall.

Thus my blood drips  
onto the white kitchen floor  
and leaves a stain.  
The blank page  
has been written on  
with the ink of my pain.

## **Mnemorotika**

### **1. Haar kamer, laat jare sestig**

*don't forget to remember me*

het die platespeler eers gepleit

kolliehonde

hulle stom blawwe bont ballonne

baljarend op die muurpapier

'n egte

syïg sluimerend

wat op die bedmat sug

geel sonne en blomme op die bedsprei

waaroer haar bene arms skouers somer skryf

*it's only words tremelo die popgroep daarop uit*

teen die ruite lonk die blouoog-swembad groot

goue lokke oorval die kussing

omraam *an everlasting smile*

en haar miniroksoom hoër

haar skouerbandjies los

haar rondings strelend óm

verbeel hy hom

toe die venster knipper

met haar pa se skaduwee

eenkant

op die ottoman

bly 'n jongman oorgeleun nog sit

sy uiteindelike woorde kramp en tjank vergeefs

soos dromende honde

## **2. Piekniek, miskien 1971**

Waar die groot omhaal van son en wolke oop verloop  
– in 'n streek waardeur hoofweë afgemete mik  
op elders – plaasgeluide aanspoel en toeslik –  
gooi hulle eendag 'n deken op die ouwerf oop;  
uit saalsakke word plaat en platespeler gehaal  
(Debussy se *Faun?*), en skons, 'n warmfles met tee;  
in die ru boord kry hulle nog 'n vrug of twee;  
en later staan hul voor mekaar, skaamwonderkaal;  
maar niemand daar met voorgevoel vir ou verraad nie  
– nie hy of sy nie, bevange van hul jong geluk,  
nóg die perde wat bekke kweek die werf af pluk –  
en geen oomblik het die dag getalm in sy vaart nie.  
Net die geheue wat hul soms nog parte speel,  
'n vervalle tuin se ongeskondenheid verbeel.

## **3. Herinnering**

Oor die radio 'n flarde lied  
wat die geheue plots dagroot oop laat skiet:  
  
Schoongezicht se boorde, vertes, son-en-wolkgewentel.  
  
Ek hou haastig stil ... Opwellinge van hande op die ou klavier.  
  
En die gladde ovale van vrugte en vrou  
kom los uit die holtes van onthou,  
  
smake van haar lyf, sweme laventel  
  
– tot die bars verkeer weer straat maak van die binnevertier.

## 4. Saligsprekinge

gelukkig  
hierdie oë wat sag leer sien het  
jou by olielamp

hierdie ore  
wat heel gewone wondere hoor sê word het  
deur jou  
borrelvinke  
gebarste bloedgranate uit die onderboord

en hierdie neus wat teen jou huid ontluik het  
hierdie mond wat diep-uit  
leer liefpling het  
dié tong wat die juweelklanke van jou naam kon kantel  
en my hande wat nog altyd maak na jou  
geseënd is hulle

soepel die gemoed  
wat kragtig vloed en eb moes toets het  
rondom jou

en hierdie woord  
oor my en jou  
staan saliger nagedagtenis

## **5. Onthou**

Na vermoedelike skilderye (dalk fliktonele)

Oggend glip 'n oopgelate venster binne,  
blakend –  
'n blonde jongeling  
teen die donker voue skuifgordyn;  
  
stryk oor 'n pluistapyt se pienk (of: groen olyf);  
  
ets spitse af  
van hoëhakskoene, uitgeskop  
(frommelings van 'n rompie in die skemer voorgrond?);  
  
talm, bloesend, by newels bra en broekieskous;  
  
vleg plooatings  
pastel-lig  
in 'n afgevalle laken;  
  
laat fasette skitter in 'n smuktafel se kristallyne vrag;  
  
ontwaar oplaas  
op 'n perlemoenglansbed  
haar gelate naaktheid  
  
– roep sinsverrukkings voor die gees:  
ledemate van die maan in gaasgordyne  
    windbeweeg  
snakke uit gevallen klere wat opslaan in perfume wat afgee aan  
strelings huid en haar wat reikhals na oorstelping ...  
  
heter dade handvoltrek  
tot 'n skouspel wóórdstorting.

## **woestynwaak**

kiewietalleen  
in die winterwind  
so ver moet ek loop  
om jou te vind

en aanhou roep  
soos 'n korhaan skor  
in stiltes tot  
die lug verdor

soos kelkiewyn  
soek ek immer nog  
by soebatsfontein  
'n bietjie vog

en langasemdroog  
in die stervol nag  
sal ek op reën  
nog bietjie wag

**Hannes de Beer**

## **nuwe suid-afrika**

is dit nou verby  
of sal tantes met vet borste en arms  
nog oor die onderdeur troe-oe-oei  
julle kan maar kom eet  
sal ooms in onderbaadjiespan en sakhorlosies  
ooit weer Sondae sweet in die kerk?

nee  
daar moet nog skaapkrale wees  
en bruinbrood bakoonde afval botter  
biltong in die winter en boontjiesop  
stil vlaktes sonder paaie  
op aande onder sterre  
en die sekelmaan  
met korhaan kôre  
en jakkalsspore in die môre

maar wie se môre sal dit wees?

## **hartland**

die vlees van die veld  
reeds weggevreet  
offer die laaste kriesels gebeente  
vir knars en kou  
aan die krakende klipsweet son

maar by skroei verby  
en veel dieper en wyer  
horisononderin en fyntwavlaktever  
waar die reën tóg kom  
met goudgeel dubbeltjie  
en skuimwit driedoringblom

dáár waar die laagtes ruik na jong rabas  
as die koel aand kom ja daar  
waar verlange lê o daar  
is my hart staan gemaak

**Hannes de Beer**

## **outydse maat**

domme domme dom  
eensaam een  
dool in die donker  
van die ver alleen

yl enkel tokkel  
op 'n skraal kitaar  
wat aan boesmanlandse lug  
aan die aand verklaar

u God van die aandwind en die nag  
u verre belofte van 'n ander dag  
verder nog verder en ver verby  
bly my by

staan in die duik van die hart se verlang  
staan in die plek van die hart se bang  
in allenigheid hoor net die klippe my kla  
dus moet ek U roep en moet ek U vra  
bly by my  
bly by my

## **1. Eerste nag**

Jy sit oorkant my  
op my rusbank  
(jou man opsetlik tuis gelaat)  
met 'n whisky-on-the-rocks  
in jou fyn versorgde hand.  
Jou leerskoene  
netjies uitgeskop  
na 'n lang dag van slimwees  
raadgee as Mevrou Straight and Narrow.

Ek sit net-net oorkant jou  
in 'n leunstoel  
(my girlfriend ten slotte agtergelaat)  
met 'n glas Allesverloren Shiraz  
in my opgeklemde hand.  
My Bronx-leerskoene  
tik van afwagting,  
jagsheid vir Mevrou Straight and Narrow.

Ek hoor nie wat jy sê  
nie. Horende doof  
skuifel ek nader  
en proe jou pedantiese tong  
oor goeie beleggings en raad aan kliënte  
in my leergierige mond  
en in een rondomtalievaart  
is jy eerste op die mat  
ek hoor jou lag  
en iets mompel van rofstoeiers  
toe ek jou 32 AA Wonderbra afruk  
en jou blommetjiespanty (van Woolies, ek meen)  
koorsig skeur.

Wat wou jy sê van beleggings?,  
mompel ek, betrek by 'n andersoortige investering  
van spel, verleiding, oorrompeling ...

Jou woordeloze onsekerheid geloënstraf  
deur jou volgehoue vuilspel.

Ons beweeg selfs buite die kryt  
van toelaatbaarheid (vir 'n eerste nag dan)  
toe jy meedoënloos  
verbete  
gesaghebbend  
jou wil op  
my afdruk  
en onverpoosd  
oor my onversadigbare klit  
beweeg  
met jou pligsgetroue tong.

My vingers tel  
'n orgasme af  
en jou tong trek 'n grafiek  
van hartstog  
oor my hele lyf.

## 2. Bronx blues

Ons sit twee ou dykes  
in die Bronx  
met 'n drink in die hand  
ons harte bewaar verlore liefdes  
soos katakombes  
vol mummies toegewikkeld  
in ou gebalsemde lap.  
Ons kyk na die ander  
wat hang oor die snoekertafel  
en op die draaiende dansvloer  
is daar 'n bottel wat breek:  
iemand het iemand se girl afgevry.  
Die klein jagse straight kelnerin  
met 'n ringetjie deur haar naeltjie  
flankeer gevoel- en verbeeldingloos met ons  
('n tip is immers haar doel voor oog),  
terwyl die kroegman gewetenloos  
nog 'n dubbel vir die dykes skink.  
Die neonligte buite flikker wanhoop,  
verlange en verdriet. 'n Trassie wankelstap  
na die badkamer op maat van "I will survive"  
en 'n behulpsame taxibestuurder dra  
'n dronk lipstik-dyke met smeermaskara uit.

Wie is volgende? Wat is volgende?  
Ons kyk na die draaiboek van ons teleurstelling  
en die afwesige regisseur sou kon waarsku  
teen oordAAD, herhaling, selfbejammering  
en ander slordige vergrype. Maar nee.  
Die aand is nog jonk. En die hoop beskaam  
nie toe 'n toe 'n wulpse rent piece haar sitmaak  
neffens ons. "What's your name? What's your number?"  
Op die maat van Gloria Gaynor verlaat ek die kroeg,  
so moeg en gatvol en wrewelig vir hierdie fokken gewroeg.

### 3. Three is a crowd

Gewoonlik begin hy die spel  
die uitnodiging tot die dans,  
my mansvriend en voorste kontjagter,  
sjarmeerde van vroue  
en kenner van verleiding.  
Sy girls smaak my ook. Saam maak ons jag  
op al die vrouens, gewillig en onwillig,  
gelukkig en veral ongelukkig. O sy staf  
vertroos en behoed hulle. My hand  
paai en benaai hulle. Altyd op pad. Op soek  
na nuwe vlees. Na nuwe bloed. Oorwinnings.  
Mevrou So-en-So, hartstogtelik ongelukkig getroud.  
Ontplooï, gewaks, gemannekyn, lief ons. Vir my en veral vir hom.  
Juffrou Dit-en-Dat, kliniese sielkundige, bedien ons  
van vleeslike raad. En tant Miena kook stroop van die meboskonfyt.  
Miss Prokureur/Staatsaanklaer, kla ons aan van vleeslike gedrag  
en ander ondermynnings van die staat. Ver in die wêreld, Kittie, Kittie.  
Ons drie tesame: man, vrou en mannin  
laat die poppe dans. En die volkies koring sny.  
Die hele santekraam had ons onder die knie en hand.  
Dis net, dis net dat in die liefdespel  
ten spyte van geduldige, liefdevolle aanwesigheid,  
bly ek immer die vyfde wiel  
aan hierdie voortrollende, tuimelende wa,  
want hul lus net piel.

## **4. Somewhere over the rainbow**

Hoe lyk die hart van 'n dyke?  
Die Let, mannin, mannetjiesvrou,  
butch, dyke of pot?  
Vrouetydskrifte verswyg ons lot.  
En stereotipes soos ons jaloerse, eensame bestaan  
is aan die orde van die dag. Almal wonder:  
hoekom is ons so kwaad? En vir wat is ons so  
kwaad? En waarom wil ons soos mans lyk  
as ons huis om elke hoek en naai  
hartgrondelik die piel vermy?  
Wat maak ons in die bed?  
Vir bykans twee dekades nou dig  
ek hartgrondig, tevergeefs,  
woedend oor dié vrou se grif.  
Maar ek is nie een van 'hulle' nie.  
Ek staan buite hierdie susterlike verband.  
Ek is nóg man nóg vrou. Nóg straight nóg gay.  
Nóg vis nóg vlees. 'n (N)iemand.  
Soos 'n reggemaakte kat. 'n Neuter. 'n Niks.  
Nêrens. In transit. Op pad. Tussen-in.  
En soms, net soms verbeeld, kortstondige geluk:  
iets soos 'n lugspieëling, soos mis onder die son.  
Of eerder: die pot onder die verdwynende reënboog.

## **5. Om op jou jags te maak**

Jy stap nonchalant die kroeg binne.  
Jy beset die hele vertrek met Dior  
en jou houding van ek-kan-kry-wie-ek-wil-hê.  
Die butch dykes vreet jou op met hul oë  
en 'n snoekerbal klik-klik waarskuwend  
hier kom drama. Ek hou dop in 'n spieël  
waarop 'n Mainstay-advertensie glimmer  
“You can stay as you are ...” en bestel  
nog 'n whisky-on-the-rocks. Jy  
kyk in jou handspieëltjie of jou mascara  
en attitude nog reg sit. Jou gym-lyf  
gevorm onder die hand van 'n personal trainer  
het die allure van 'n Bengaalse tier.  
En ek? Ek sou my die sirkusmeester wou waan  
wat met die klapgeluid van my sweep jou nader roep.

Maar dis beter om met die oog te vry. Te wonder:  
hoe stitch jy? Vreet jy jou prooi voor brekfis op  
of is jy 'n stadige, langsame dier vir pret?  
Hou jy van die binnelyf se proe? Verlang  
jy soms na stert? Is jy hardekwas?  
Word jy gepiets? Of moet jou tieties  
behendig en aanhoudend gevryf word  
sodat jou tepels kliphard staan?  
Fist fuck jy soms of nie? Hmm?  
Ek bestel vir jou 'n drankie. After all,  
jy het hierdie gedig vir my gegee. My lovely,  
klein lipstik-dyke, pragtig en gewetenloos  
en met die rakleeftyd van 'n Mainstay-advertensie.

## 6. I left my heart in San Francisco

Ek laat jou agter hart  
verweerde hart  
stukkende hart  
gebroke hart  
in Frisco op 'n mistige oggend  
toe ek op die Greyhound klim na Dallas.  
Jy laai my af op die halte. Ons gaan  
mekaar waarskynlik nooit weer sien  
nie. Ons was geleentheidslovers. Twee uit-  
ruilstudente by Berkeley in huis vir navorsers.  
Ons het 'n seisoen van somer gedeel en vanoggend  
is dit herfs. Ek staan met my enkelkaart, maar my hart  
sal terugkeer na jou en ons nagte vol ekstase en opwinding  
in die kamer met toegewasemde ruite. Snags stap ons oor die hangbrug  
van ons nuutgevonde hartstog. Ek verduidelik vir jou die samestelling:  
hart(s)tog. Dat daar altyd in die hart 'n tog, 'n vertrek opgesluit lê.  
As kenner van Germanistiek begryp jy beter as wat ek vermoed ...  
Nou is dit die oomblik. In die verleëhalte van afskeid.  
Ja, ek sal skryf. Vir oulaas voel ek jou sagte borste  
teen myne: die hartklop van ons eensgesindheid.  
Hoe lank voordat jy my  
vergeet, my hart?  
En 'n ander vrou  
aan jou lippe  
hang?

## 7. The girl from Ipanema

Kordaat stap sy met haar waatlemoenboude  
in 'n tanga oor die Copocabana  
haar borste nie skorsies  
maar oorryst spanspekke  
en haar lippe twee oorryst pruime.  
Sy is 'n hele spyskaart sundowners  
soos "Sex on the beach",  
"Wild Orgasm",  
"Blow Job"  
en ander beloftes van seks.  
Ek eet haar met my oë  
en wonder oor haar oorryst koejawel  
en die smaak van bitterlemoene.  
Die vrugteslaai van uitnodiging  
stap stadig en swalk  
op haar hoë hakke.  
Sy is 'n hoer, sy vra geld.  
Ek begeer nie betaalde seks  
of 'n one night stand in 'n sleazy hotel  
nie. Nee, ek soek na iets meer,  
soos die ghitaarspeler op die hotel se boulevard  
wat pluk-pluk aan die snare:  
"Tall and tan and young and lovely,  
The girl from Ipanema goes walking,  
And when she passes goes 'a-a-ah".  
Soos Antonio Carlos Jobim  
weet ek hoe mens kan verlang  
na iets meer as 'n kortstondige  
e-k-s-t-a-se.

## **Man against the wind**

Run, old man  
Run against the wind  
Hawk nose leading, blue jacket ballooning  
Legs pumping. Muscles taut  
White hair matted in salt-crusted strings

Run, old man  
Run on the beach  
Bare feet thumping  
Waves in rhythm  
Crashing in counterpoint

Run, old man  
Run for my father  
Dying above you  
Entombed in an apartment  
Hooked to machines  
Each breath a laboured gift

Run, old man  
Run to keep alive  
Lungs hurting. Legs throbbing  
Sea salt bussing sweat  
Run, old man  
While emphysema tolls its bell.

***Robin Gallaher Branch***

# **The importance of climbing trees for a four year old**

*For Imke*

Feet bare  
Knees bent  
Hands sweaty  
Play clothes rumpled  
Toes creeping  
Eyes glowing  
Hand over hand to secure branches  
    Reaching  
    Climbing  
    Stretching  
    Becoming five